

中國方志叢書·華北地方·第四二五號

據


清·言如泗總修，韓夔典纂修
民國二十一年石印本

影印

山西省

平陸縣志

成文出版社有限公司印行



10094250

中國方志叢書·華北地方·第四二五號

據


清·言如泗總修，韓夔典纂修
民國二十一年石印本

影印

山西省

平陸縣志

成文出版社有限公司印行



10094251

中華民國六十五年 月壹一版

平陸縣志

全二冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

中華民國二十一年五月

平陸縣志

由平陸縣政府石印

乾隆癸未纂輯

平陸縣志

續印平陸縣志序

原夫國家設官分職純為民計古之
司政務者上自宰相下至牧令其尚
書以暨刺史守相均屬事務官而已
今之所謂全民政治者豈先後之不
同歟予束髮從師肄業庠校得窺叢
書捃拾羣言考其政教莫不以牧令


為重親民故耳釋褐後濫側仕途一
任路城縣令再任民部功曹風塵鞅
掌幾無寧息方擬遁跡林泉躬耕隴
畝不願纓門吹竽以蘊本真孰意去
冬復蒙當道召至晉陽委署平陸民
事重親慚悚無地受職伊始先據邑
乘覽輿圖之形勢擇要害之防守察

物產之良窳謀實業之進取聞巢許
之言行立士庶之模範循民生之疾
苦籌教養之方法其藝文掌故攸關
風化祥瑞災異載出天官而撫字催
科安良弭盜無不本斯書以進行焉
惟新志正事採訪舊志漫散無存徵
諸縉紳百索不得其一收拾原刻焚

燬已逾其半殘篇斷簡言之惘然是
文獻枝分葉散之秋作史冊蜂腰鶴
膝之續故不待新志輯成先集資印
舊志二百部並將近時採訪實錄同
為付梓俾觀覽者有所興起而官紳
有所則焉其他庶政責在有司當朝
夕兢兢未敢稍肆放縱云爾

時在中華民國二十一年季春三月中斡

署平陸縣縣長渾源左恆祥識



平陸縣志序

晉西南鄰秦豫而皆濱於河平
陸固晉豫之門戶也歲壬申余
自垣曲攝是邑瞻三門砥柱之
雄心竊壯之詢其人文科第年
來亦幾冠今解何以志衆久弗
續也乃閱月而去意若闕如及

再補官於晉也

天子以晉省米十萬拯豫省災余實
襄是役因得復至於平其邑之
士大夫以至野老鄉農莫不
若故人而奔走之恐後噫何其
淳也夫人相習則難忘況一至
再王其地平之氏若不忍余之

去余亦若有不釋然者宦跡靡
定人安能久居此耶凡三匝月
運米事竣荷蒙

恩命補授解州余固喜平之隸解也
蒞任來謀所以整釐於平若者
脩所廢若者創所無皆如志中
所列乃宰是邑者一年中凡三

更其手而脩志之役討論蒐輯
各殫其力矧平於余為舊治平
之事固有不容已於懷者乎今
雖不敢謂無所遺憾然至此而
始償其數年之志誠非偶然者
矣溯余宦晉十有五年而其地
半在河壩始卒垣曲再守保德

解之平芮亦處河濱而平又為
余所熟遊地閱志披圖據其懷
舊之情安得不惓惓也後來者
覩川原之蟠鬱念地脉之鍾靈
因地制宜當有望古而遙集者
乎杜編修若拙邑人也屬稿實
出其手云

乾隆二十八年歲次癸未仲冬
長至之日解州直隸州知州言
子七十五世孫如泗撰

